

1 Apakah ciri kehidupan bandar yang bertamadun menurut tokoh berikut.



Ibn Khaldun

- A Kebebasan beragama
- B Kemajuan infrastruktur
- C Kemakmuran sosioekonomi
- D Ketinggian tatasusila masyarakat

2 Orang Mesir Purba menanam mayat bersama barangan dan peralatan keperluan manusia. Mengapakah amalan tersebut dilakukan?

- A Menunjukkan darjat si mati
- B Mengelak harta mereka dirampas
- C Membalas budi si mati semasa hidup
- D Percaya kepada kehidupan selepas mati

3 Sresthin adalah sebuah pertubuhan perdagangan yang ditubuhkan di India.

Apakah matlamat penubuhan tersebut?

- A Melahirkan pekerja mahir
- B Mengawal kadar gaji pekerja
- C Menjaga kepentingan majikan
- D Menetapkan had masa bekerja

4 Maklumat di bawah berkaitan dengan seni bina Tamadun Yunani.

- Binaan berbentuk kubah
- Tempat menjalankan kerja awam
- Tempat memuja dan menyimpan patung dewa

Apakah binaan tersebut ?

- A Acropolis
- B Aqueduct
- C Pantheon
- D Colloseum

5 Peta menunjukkan lokasi kerajaan Angkor berhampiran dengan Tasik Tonle Sap.



Apakah manfaat lokasi tersebut terhadap kerajaan Angkor ?

- A Kepadatan penduduk
- B Laluan perdagangan
- C Pelabuhan entrepot
- D Kesuburan tanah

6 Kewujudan bahasa Sanskrit di Asia Tenggara dikaitkan dengan kedatangan pengaruh Hindu dan Buddha.

Apakah kepentingan bahasa tersebut ?

- A Menentukan taraf sosial
- B Menyatukan golongan rakyat
- C Meningkatkan pencapaian intelek
- D Mengembangkan aktiviti perdagangan

7 Nabi Muhammad SAW diamanahkan oleh pemimpin Arab Quraisy untuk meletakkan Hajar Aswad ke tempat asalnya.

Apakah kepentingan peristiwa tersebut kepada masyarakat Arab ?

- A Perbalahan antara kaum dielakkan
- B Perkembangan perdagangan di Makkah
- C Perlantikan pemimpin dari kalangan orang Islam
- D Penyebaran Islam di Makkah

8. Nabi Muhammad SAW telah membenarkan orang Islam Makkah berhijrah ke Habsyah ?

Mengapakah baginda membenarkan penghijrahan tersebut ?

- A Menjalin hubungan diplomatik
- B Mengelakkan penindasan
- C Mengadakan rundingan damai
- D Memenuhi jemputan pemerintah

9 Antara berikut yang manakah berkaitan dengan penghijrahan Nabi Muhammad SAW ke Madinah?

- I Wujudnya golongan Muhajirin dan Ansar
- II Struktur pentadbiran dipimpin oleh khalifah
- III Terbinanya bangunan yang lengkap dengan infrastruktur
- IV Mempersaudarakan orang Islam Makkah dan Madinah

- A I dan II
- B I dan IV
- C II dan III
- D III dan IV

10 Apakah kepentingan peristiwa di atas terhadap kerajaan Islam Madinah?

| Tahun | Peristiwa |
|------------|---|
| 630 Masihi | Nabi Muhammad SAW membuka semula kota Makkah. |

- A Meningkatkan kemajuan ekonomi
- B Penerusan sistem kabilah
- C Memperkukuh negara
- D Pertambahan penduduk


11 Maklumat berikut berkaitan dengan sumbangan Khalifah Umar bin Al-Khattab.

- Empangan Abu Musa di Basyrah
- Terusan Amirul Mukminin di Mesir

Mengapakah beliau membina kemudahan tersebut ?

- A Membekalkan air bersih
- B Mengelakkan banjir berlaku
- C Meningkatkan produk pertanian
- D Meningkatkan kegiatan perdagangan

12 Rajah 1 berkaitan pertembungan tamadun Islam dengan tamadun lain di dunia.



Rajah 1

Apakah kesan daripada pertembungan tersebut ?

- I Peningkatan ilmu
- II Penyerapan budaya
- III Pembahagian kelas sosial
- IV Penguasaan sumber ekonomi

- A I dan II
- B I dan IV
- C II dan III
- D III dan I

13 Para ulama telah mengislamkan pemerintah seperti Raja Phaya Tu Nak Pa dan Raja Malik al- Salih.

Mengapakah para ulama mengislamkan golongan raja?

- A Menyekat pengaruh Islam
- B Menguasai bidang pentadbiran
- C Mendapatkan pengiktirafan
- D Mempengaruhi rakyat jelata

14 Selepas kedatangan Islam, sistem politik di Asia Tenggara mengalami perubahan.

Apakah perubahan tersebut?

- I Institusi kesultanan diperkenalkan
- II Islam dijadikan asas perundangan
- III Jawatan pembesar dilantik secara warisan
- IV Sistem raja berkuasa mutlak diamalkan

- A I dan II
- B I dan IV
- C II dan III
- D III dan IV

15 Apakah peranan istana Melaka semasa zaman pemerintahan Sultan Mansur Shah?

- A Pusat penterjemahan
- B Pusat pengajian agama
- C Pusat pentadbiran madrasah
- D Pusat pengislaman golongan diraja

16 Apakah perkara yang paling penting sebelum para pedagang dapat menjalankan aktiviti jual beli di Melaka?

- A Membuka gerai
- B Membayar cukai
- C Membayar zakat
- D Berjumpa laksamana

17 Sistem feodal yang diamalkan pada awal Zaman Pertengahan di Eropah mempunyai persamaan dengan sistem feodal yang diamalkan dalam masyarakat Melayu tradisional.

Apakah persamaan tersebut?

- A Raja pemilik tanah secara mutlak
 - B Golongan agama menerajui pentadbiran
 - C Petani berpeluang meningkatkan status sosial
 - D Rakyat berhak memilih pemerintah
- 18 Jadual 1 menunjukkan ciptaan baru yang dihasilkan akibat perkembangan dalam bidang perindustrian.

| Tokoh | Ciptaan |
|-------------------|----------------|
| John Hargreaves | Spinning Jenny |
| Richard Arkwright | Water Frame |

Jadual 1

Bagaimanakah alat tersebut memudahkan kegiatan perindustrian ?

- I Mengeluarkan produk secara besar-besaran
 - II Mengurangkan bekalan bahan makanan
 - III Meningkatkan penggunaan tenaga buruh
 - IV Memperluaskan aktiviti perdagangan antarabangsa
- A I dan II
 - B I dan IV
 - C II dan III
 - D III dan I
- 19 Maklumat berikut adalah dasar-dasar yang diperkenalkan oleh British pada abad ke-20.

- Enakmen Tanah Padi 1917
- Rancangan Peraturan Getah Antarabangsa 1934

Mengapakah British mengambil tindakan tersebut?

- A Melindungi kepentingan pengusaha ladang
- B Menyekat pencerobohan terhadap tanah adat
- C Menstabilkan harga tanaman tradisional
- D Memperbaiki kualiti penghasilan tanaman

- 20 Jadual berikut menunjukkan pertambahan jumlah kemasukan kaum imigran ke Negeri-Negeri Melayu Bersekutu pada awal abad ke-20.

| Tahun | Jumlah (orang) |
|-------|----------------|
| 1891 | 163 000 |
| 1901 | 300 000 |

Apakah kesan pertambahan penduduk tersebut?

- A Pengukuhan kuasa pemimpin tempatan
- B Peningkatan penempatan setinggan
- C Kewujudan masyarakat majmuk
- D Kemajuan pertanian sara diri

21

Terdapat persamaan pemilihan golongan Mandarin dalam birokrasi di Vietnam dengan Sistem Pentadbiran Tanah Besar China

Merujuk pernyataan di atas, pemilihan tersebut dibuat berdasarkan

- A pungutan suara rakyat
 - B pencapaian dalam peperiksaan
 - C pelantikan oleh Gabenor Jeneral
 - D pencalonan oleh pembesar tempatan
- 22 Jadual berikut berkaitan dengan kejayaan Jepun dalam bidang ketenteraan.

| Tahun | Kejayaan |
|-------|------------------|
| 1895 | Menewaskan China |
| 1905 | Menewaskan Rusia |

Apakah kesan kejayaan tersebut terhadap Asia Tenggara ?

- A Pengukuhan sistem pertahanan
 - B Perluasan semangat nasionalisme
 - C Kemantapan kuasa pemerintahan tempatan
 - D Kemunculan semangat nasionalisme
- 23 Mengapakah British menggunakan nama sultan Kelantan untuk mematahkan penentangan penduduk tempatan pada tahun 1915?
- A Menghormati sultan
 - B Mengekalkan kuasa sultan
 - C Kesetiaan rakyat kepada sultan
 - D Kuasa mutlak berada di tangan sultan

24 Antara sumbangan Mohammad Eunos Abdullah terhadap orang Melayu di Singapura ialah

- A mewartakan tanah pertanian
- B memberi peluang pendidikan
- C mendapatkan petempatan khas
- D menyediakan tapak perniagaan

25 Antara berikut, yang manakah ciri kenegaraan dalam Kesultanan Melayu Melaka?

- I Rakyat
- II Perlembagaan
- III Pembesar
- IV Kedaulatan

- A I dan II
- B I dan IV
- C I dan III
- D III dan IV

26 Berikut adalah Jemaah Menteri yang ditubuhkan di Kelantan pada zaman pemerintahan Sultan Muhammad II (1836-1886).

Jemaah Menteri Penasihat Raja

Apakah fungsi Jemaah Menteri tersebut?

- A Menguruskan pembangunan
- B Menjaga hal ehwal luar
- C Menjaga keselamatan raja
- D Menguruskan perkara bukan rahsia

27 Senarai berikut adalah tindakan British yang membangkitkan kemarahan orang Melayu pada tahun 1940-an.

- Pengenalan Malayan Union

Mengapakah tindakan tersebut membangkitkan kemarahan orang Melayu?

- A Mencampuri adat istiadat tempatan
- B Menjejaskan hak kaum peribumi
- C Menghalang perpaduan kaum
- D Mengubah sempadan negeri

28 Apakah manfaat yang diperoleh orang Melayu melalui Perjanjian Persekutuan Tanah Melayu 1948 ?

- A Kebebasan berpolitik
- B Menguasai pentadbiran
- C Menentukan kerakyatan
- D Kedudukan istimewa dilindungi

29 Tokoh berikut memberi sumbangan dalam pentadbiran negara sebelum merdeka

- Dato' Mahmud Mat
- Dato' E.E.Thuraisingam
- Dr. Lee Tiang Keng

Apakah sumbangan mereka ?

- A Menganggotai Sistem Ahli
- B Menubuhkan Parti Kemerdekaan Malaya
- C Menganjurkan Konvensyen Kebangsaan
- D Menjadi Ahli Suruhanjaya Reid

30 Perjanjian Persekutuan Tanah Melayu 1957 ditandatangani pada 15 Ogos 1957.

Mengapakah perjanjian tersebut penting kepada penduduk Tanah Melayu?

- A Meneruskan kuasa British
- B Majlis Mesyuarat Negeri dibentuk
- C Mendapat hak untuk memerintah sendiri
- D Menamatkan sistem pemerintahan monarki

31 Jadual 2 menerangkan peristiwa penentangan Indonesia terhadap gagasan Malaysia.

| | |
|-----------|---|
| Tarikh | 20 Januari 1963 |
| Peristiwa | Konfrontasi Indonesia terhadap Malaysia |
| Kempen | Ganyang Malaysia |

Jadual 2

Mengapakah Indonesia bertindak demikian ?

- A Terpengaruh dengan dakwah komunis
- B Tidak dijemput untuk berunding
- C Terpedaya dengan penjajah Belanda
- D Tindakan perluasan wilayah terhalang


32 Apakah peranan Suruhanjaya Cobbold dalam menjayakan pembentukan Malaysia ?

- A Memujuk Singapura menyertai Persekutuan
- B Menggalakkan penubuhan Parti Perikatan
- C Melaksanakan sistem birokrasi Barat
- D Meninjau pendapat rakyat Sabah dan Sarawak

33 Apakah persamaan matlamat perjuangan parti Hizbul Muslimin dan Parti Islam Se-Tanah Melayu (PAS) ?

- A Menggalakkan perpaduan
- B Menyatukan orang Melayu
- C Mencapai kemerdekaan
- D Menubuhkan negara Islam

34 Rajah berikut merujuk bidang kuasa kerajaan Persekutuan.



Apakah X ?

- A Hiburan awam
- B Perhutanan
- C Perancangan bandar
- D Kesihatan

35 Gambar 4 menunjukkan Jata Negara, Negara kita, Malaysia.



Gambar 1

Apakah maksud lambang bulan sabit dalam Jata Negara di atas?

- A Kedaulatan raja
- B Perpaduan kaum
- C Islam agama rasmi
- D Hak istimewa Melayu

36 Matlamat Rancangan Malaya Pertama kurang berjaya kerana kejatuhan harga komoditi getah dan bijih timah.

Bagaimanakah cara bagi mengatasi masalah tersebut ?

- A Mempelbagaikan sektor ekonomi
- B Membuka kawasan pertanian baru
- C Menyediakan kemudahan pinjaman
- D Menamatkan kutipan cukai pertanian

37 Laporan Rahman Talib 1960 diperkenalkan dengan penekanan kepada perpaduan kaum. Antara berikut, yang manakah syor laporan tersebut ?

- I Aliran vokasional diperkenalkan
 - II Sistem persekolahan bercorak integrasi
 - III Sekolah kebangsaan menggantikan sekolah umum
 - IV Bahasa Melayu sebagai bahasa pengantar sekolah menengah
- A I dan II
 - B II dan III
 - C III dan IV
 - D I dan IV

38 Dasar berikut memberi sumbangan ke arah mencapai Wawasan 2020.

- Dasar Bahasa Kebangsaan
- Dasar Kebudayaan Kebangsaan
- Dasar Pendidikan Kebangsaan

Apakah sumbangan dasar tersebut ?

- A Mewujudkan integrasi kaum
- B Meningkatkan taraf hidup rakyat
- C Menjamin kecemerlangan negara
- D Membina masyarakat berdaya saing

39 Blok dunia berikut terbentuk semasa Perang Dingin.

- Blok kapitalis
- Blok komunis

Apakah ciri blok kapitalis?

- A Kebebasan individu dikawal
- B Mengamalkan pemerintahan demokratik
- C Mengamalkan sistem satu parti
- D Memiliknegerakan perniagaan

40 Mengapakah Malaysia tidak menjalinkan hubungan dengan negara Israel ?

- A Menjaga pendirian majoriti negara Islam
- B Tidak mempunyai kepentingan ekonomi
- C Tidak diiktiraf oleh negara sekutu Malaysia
- D Bukan anggota Pertubuhan Bangsa-Bangsa Bersatu

KERTAS SOALAN TAMAT

